



O Concello de Vilagarcía de Arousa a través da **Concellería de Promoción Económica**, convoca o

### **III CONCURSO DE DECORACIÓN DO NADAL CONCELLO DE VILAGARCÍA DE AROUSA**

A presente convocatoria ten por obxecto promover e incentivar a creatividade comercial do Concello de Vilagarcía de Arousa á hora de presentar os establecementos, facelos máis atractivos aos consumidores/as, reforzando a imaxe dos mesmos e dinamizando a actividade comercial e hostaleira do Municipio.

A temática decorativa estará vinculada ás datas de Nadal, o que contribuirá a crear un ambiente festivo propio destas festas. Dende o Concello premiarase aos negocios que, con motivo da campaña do Nadal 2020, engalanen mellor os escaparates e/ou os accesos aos establecementos, de acordo co establecido nas seguintes

#### **BASES**

**PRIMEIRO.** Poderán participar no concurso, todos os establecementos comerciais do Concello de Vilagarcía de Arousa (comercio retailista, restauración, hostalaría, vendedores da praza de abastos, etc.) que o soliciten formalmente a través sede Electrónica do Concello antes da data límite establecida nas presentes bases.

**SEGUNDO.** A inscrición para participar, formalizarase a través da sede electrónica do Concello (sede.vilagarcia.gal), debidamente cumprimentadas e asinadas, dende o día seguinte á publicación das presentes bases **ata o 7 de decembro de 2020.**

**TERCEIRO.** Xunto coa solicitude de inscrición, presentarse un certificado de conta bancaria.

No caso de asociados do Centro Comercial Aberto Zona Aberta, AHITUVI ou Asociación de praceiros, a asociación á que pertencen poderá realizar a inscrición en representación dos asociados que así o soliciten.

**CUARTO.** Formalizada a inscrición no concurso e presentada a documentación, o Concello facilitará o **cartel distintivo de “establecemento participante”** que deberá ser colocado en lugar visible do escaparate do local a concurso. Os participantes terán á súa disposición o distintivo de participación, na Concellería de Promoción Económica a partir do día seguinte da presentación da solicitude. Os escaparates deberán estar iluminados ata as 22:00 horas.

**QUINTO.** A decoración deberá **centrarse nas FESTAS do NADAL e manterse como mínimo dende do día 7 de decembro de 2020 ata o 5 de xaneiro de 2021.**

Os establecementos participantes deberán presentar a través da Sede Electrónica do Concello(sede.vilagarcia.gal) un máximo de dúas fotografías (en formato pdf) do escaparate, nas que sexa visible o distintivo de participación, indicando o establecemento comercial ao que pertencen as fotografías e o seu enderezo. **A data tope para entregar as fotografías será o 10 de decembro.**

Representantes do Concello e o xurado, visitarán, sen aviso previo, durante o tempo que dura o concurso, todos os establecementos participantes.

**SEXTO.** A puntuación máxima por criterio será de 3 puntos, sendo a mellor decoración a que máis se aproxime a doce puntos, sen prexuízo de que o xurado poida declarar deserto algún dos premios. O tema a desenvolver será o Nadal, deixando total liberdade no tocante á técnica e estilo.

<b>CRITERIOS DE VALORACIÓN</b>	<b>Punt. máxima</b>
Engalanar todo o escaparate, acceso ao establecemento e/ou ambientación do espazo interior	3 puntos
Iluminación	3 puntos
Eco-decoración e uso de materiais reciclados	3 puntos
Orixinalidade, innovación e deseño	3 puntos

**SÉTIMO.** Establécense os seguintes premios, segundo consignación orzamentaria **aplicación 4311-48100 do orzamento de 2020**

- Primeiro premio de 595 €
- Dous segundos premios de 395€ c/u
- Dous terceiros premios de 200 € c/u

**O custo total do evento,por tanto, é de 1.785 Euros**

O xurado estará composto por:

- Un/unha profesional do campo da decoración e/ou interiorismo,
- Un/unha membro da corporación municipal,
- Un/unha empregado municipal, profesional relacionada/o coa comunicación e deseño, designada/o por Alcaldía.

Actuará como Secretario/a un empregado/a municipal.

O xurado poderá acordar, por maioría dos votos dos seus membros, que calquera dos premios quede deserto.

**OITAVO.** A entrega das cantidades outorgadas en concepto de premio, quedará condicionada á non existencia de débedas do participante co Concello de Vilagarcía de Arousa, AEAT e Facenda da Comunidade Autónoma e serán no seu caso obxecto da retención fiscal que proceda de acordo coas normas tributarias.

A inscrición para participar no presente concurso implica a aceptación das presentes bases.